

孫真人千金方衍義卷八

長洲張璐路玉著

南沙席世臣郢客校

治諸風方

凡八類

論雜風狀第一

論二十五首

岐伯曰中風大法有四一曰偏枯二曰風痺三曰風懿四曰風痺夫諸急卒病多是風初得輕微人所不悟宜速與續命湯依腧穴灸之夫風者百病之長岐伯所言四者說其最重也

偏枯者半身不遂肌肉偏不用而痛言不變智不亂



病在分腠之間溫臥取汗益其不足損其有餘乃可

復也

甲乙經云溫臥取汗則巨取之

風痺者身無痛四肢不收智亂不甚言微知則可治

甚則不能言不可治

風懿者奄忽不知人咽中塞窒窒然

巢源作噫噫然有聲

舌強

不能言病在臟腑先入陰後入陽治之先補於陰後

寫於陽發其汗身轉輒者生汗不出身直者七日死

巢源作眼下及鼻人中左右白者可治一黑一赤吐沫者不可治

風痺濕痺周痺筋痺脈痺肌痺皮痺骨痺胞痺各有

證候形如風狀得脈別也脈微澁其證身體不仁



凡風多從背五臟腧入諸臟受病肺病最急肺主氣
息又冒諸臟故也肺中風者其人偃臥而胸滿短氣
冒悶汗出者肺風之症也視目下鼻上兩邊下行至
口色白者尚可治急灸肺腧百壯服續命湯小兒減
之若色黃者此爲肺已傷化爲血矣不可復治其人
當妄言掇空指地或自拈衣尋縫如此數日死若爲
急風邪所中便迷漠恍惚狂言妄語或少氣憊憊不
能復言若不求師卽治宿昔而死卽覺便灸肺腧及
膈腧肝腧數十壯急服續命湯可救也若涎唾出不
收者旣灸當並與湯也諸陽受風亦恍惚妄言與肺

千金方後義卷八
病相似然著緩可經久而死

肝中風者其人但踞坐不得低頭繞兩目連額上色
微有青者肝風之證也若唇色青面黃尚可治急灸
肝腧百壯服續命湯若大青黑面一黃一白者此爲
肝已傷不可復治數日而死

心中風者其人但得偃臥不得傾側悶亂冒絕汗出
者心風之狀也若唇正赤尚可治急灸心腧百壯服
續命湯若唇或青或白或黃或黑者此爲心已壞爲
水面目亭亭時悚動者不可復治五六日死

一云旬日死

脾中風者其人但踞坐而腹滿身通黃吐酸汁出者

尚可治急灸脾腧百壯服續命湯若目下青手足青者不可復治

腎中風者其人踞坐而腰痛視脇左右未有黃色如餅粢大者尚可治急灸腎腧百壯服續命湯若齒黃赤鬢髮直面土色者不可復治

大腸中風者臥而腸鳴不止灸大腸腧百壯可服續命湯賊風邪氣所中則傷於陽陽外先受之客於皮膚傳入於孫脈孫脈滿則入傳於絡脈絡脈滿則輸於大經中成病歸於六腑則爲熱不時臥止爲啼哭其脈堅大爲實實者外堅充滿不可按之按之則痛

也經絡諸脈傍支去者皆爲孫脈也

凡風之傷人或爲寒中或爲熱中或爲厲風或爲偏
枯或爲賊風故以春甲乙傷於風者爲肝風以夏丙
丁傷於風者爲心風以四季戊己傷於風者爲脾風
以秋庚辛傷於風者爲肺風以冬壬癸傷於風者爲
腎風風中五臟六腑之腧亦爲臟腑之風各入其門
戶所中則爲偏風風氣循風腑而上則爲腦風風入
頭則爲目風眼寒飲酒中風則爲酒風入房汗出中
風則爲內風新沐中風則爲首風久風入房中風則
爲腸風外在腠理則爲泄風故曰風者百病之長也

至其變化乃爲他病無常方焉是知風者善行而數
變在人肌膚中內不得泄外不得散因人動靜乃變
其性有風遇寒則食不下遇熱則肌肉消而寒熱有
風遇陽盛則不得汗遇陰盛則汗自出肥人有風肌
肉厚則難泄喜爲熱中目黃瘦人有風肌肉薄則常
外汗身中寒目淚出有風遇於虛腠理開則外出淒
淒然如寒狀覺身中有水淋狀時如竹管吹處此是
其證也有風遇於實腠理閉則內伏令人熱悶是其
證也

新食竟取風爲胃風其狀惡風頸多汗膈下塞不通

勞

食飲不下脹滿形瘦腹大失衣則臄滿食寒卽洞泄
新熱食竟入水自漬及浴者令人大腹爲水病
因醉取風爲漏風其狀惡風多汗少氣口乾喜渴近
衣則身如火燒臨食則汗流如雨骨節懈惰不欲自
新沐浴竟取風爲首風其狀惡風而汗多頭痛
新房室竟取風爲內風其狀惡風汗流沾衣

勞風之爲病法在肺下使人強上而目脫唾出若涕
惡風而振寒候之三日及五日中不精明者是也七
八日微有青黃膿涕如彈丸大從口鼻出爲善若不

出則傷肺

風邪客於肌膚虛癢成風眦癢瘡風邪入深寒熱相搏則內枯邪客半身入深真氣去則偏枯邪客關節中卽攣筋中亦然邪淫於臟夢臟大形小淫於腑夢藏小形大邪隨目系入腦則目轉眩邪中精則散視見兩物風邪入臟寒氣客於中不能發則瘖瘖喉痺舌緩不時服藥鍼灸風逐脈流入臟使人卒瘖緩縱瘖瘖致死風入陽經則狂入陰經則癲陽邪入陰病則靜陰邪入陽病則怒

若因熱食汗浴通腠理得開其自風出則覺肉中如



鍼刺步行運力欲汗亦如此也

凡覺肌肉中如刺皆由腠理閉邪氣閉在肌中因欲出也宜解肌湯則善

夫目瞶動口唇動偏喎皆風入脈故須急服小續命湯將八風散磨神明白膏丹參膏依經鍼灸之

諸痺由風寒濕三氣并客於分肉之間迫切而爲沫得寒則聚聚則排分肉肉裂則痛痛則神歸之神歸之則熱熱則痛解痛解則厥厥則他痺發發則如是此內不在臟而外未發於皮膚居分肉之間真氣不能周故爲痺也其風最多者不仁則腫爲行痺走無

常處其寒多者則爲痛痺其濕多者則爲著痺冷汗濡但隨血脈上下不能左右去者則爲周痺也痺在肌中更發更止左以應左右以應右者爲偏痺也夫痺其陽氣少而陰氣多者故令身寒從中出其陽氣多而陰氣少者則痺且熱也

諸痺風勝者則易愈在皮間亦易愈在筋骨則難痊也久痺入深令營衛滯經絡時疎則不知痛

風痺病不可已者足如履水時如入湯腹中股脛淫

漑煩心頭痛傷脾腎時嘔眩時自汗出傷心目眩傷

肝悲恐短氣不樂傷肺不出三年死

一云三日

太陽中風重感於寒濕則變瘳也瘳者口噤不開背
強而直如發瘳之狀搖頭馬鳴腰反折須臾十發氣
息如絕汗出如雨時有脫易得之者新產婦人及金
瘡血脈虛竭小兒瘳風大人涼濕得瘳風者皆死溫
病熱盛入腎小兒瘳熱盛皆瘳瘳瘳厥瘳皆相似故
久厥成瘳宜審察之其重者患耳中策策痛皆風入
腎經中也不治流入腎則喜卒然體瘳直如死皆宜
服小續命湯兩三劑若耳痛腫生汁作癰癰者乃無
害也惟風宜防耳鍼耳前動脈及風府神良

諸風第二

方二十九首
灸法三十六首

小續命湯 治卒中風欲死身體緩急口目不正

舌強不能語奄奄忽忽神情悶亂諸風服之皆

驗令人不虛方

麻黃

防已

崔氏外臺不用

人參

黃芩

桂心

白芍藥

甘草

川芎

杏仁

各一兩

防風

一兩半

附子

一枚

生薑

五兩

右十二味咬咀以水一斗二升先煮麻黃三沸去

沫內諸藥煮取三升分三服甚良不瘥更合三四

劑必佳取汗隨人風輕重虛實也有人腳弱服此



方至六七劑得瘥有風疹家天陰節變輒合服之

可以防瘡一本云恍惚者加茯神遠志如骨節煩

疼本有熱者去附子倍芍藥小品千金翼同深師

用杏仁救急無川芎杏
仁止十味延年無防風

小續命湯 治中風冒昧不知痛處拘急不得轉

側四肢緩急遺失便利此與大續命湯同偏宜

產後失血并老小人

麻黃

桂心

甘草各二兩

生薑五兩

人參

川芎

白朮前方用杏仁

附子

防已

芍藥

黃芩

各一兩

防風

半兩

右十二味咬咀以水一斗二升煮取三升分三服

古今錄驗無桂心名續命湯胡洽千金翼同

又方 治風歷年歲或歌或哭或大笑言語無所

不及方

麻黃

三兩

人參

桂心

白朮

各二兩

芍藥

甘草

防己

黃芩

川芎

當歸

各一兩

右十味咬咀以水一斗二升煮取三升分三服日



千金方衍義卷八
三覆取汗

衍義

續命方專爲中風六經形證而立以其死生反掌較之傷寒尤爲叵測蓋傷寒之邪卒然從表面入非若中風皆由本虛虛風直犯無禁且多痰涎內壅表裏糾纏之難於分解也所以小續命湯雖本古今錄驗而麻黃桂枝兩方皆在其中以其本虛必加人參駕馭麻桂發越在表之邪又需附子直入少陰搜逐在裏之邪不使外內交攻正氣立斷續命之名信乎不虛其餘川芎黃芩防風防已不過爲麻黃之使以祛標熱耳 前方治卒中風欲

死病起於暴故用麻黃必兼杏仁開發肺氣之
滿殊不可缺此見四肢緩急遺失便利脾腎
故加白朮實脾隄水不得復用杏仁耗氣之
又方治風癲歷年不愈笑歌悲哭不常肺虛而風
火乘之經謂精氣并於肺則悲笑歌則火之變非
續命無以療之以火乘肺燥非但附子耗陰當去
防風杏仁耗氣亦須裁減但加白朮以攝脾津不
使復隨風火外泄

大續命湯

治肝厲風卒然瘖瘓依古法用大小

續命二湯通治五臟偏枯賊風方